

PRIJEDLOG

Na osnovu člana 2. i 8. Zakona o principima lokalne samouprave u Federaciji Bosne i Hercegovine ("Službene novine FBiH" br: 49/06, 51/09), člana 69. Zakona o premjeru i katastru nekretnina ("Službeni list SR BiH" br: 22/84, 12/87, 26/90, 36/90, "Službeni list R BiH" br: 4/93, 13/94), člana 4. Uredbe o izlaganju na javni uvid podataka premjera i katastarskog klasiranja zemljišta ("Službene novine Federacije Bosne i Hercegovine" br: 92/16), člana 55., 99. i 104. Statuta općine Ilijaš – prečišćeni tekst ("Službene novine Kantona Sarajevo" br: 20/09 i 46/18), člana 99. Poslovnika o radu Općinskog vijeća Ilijaš ("Službene novine Kantona Sarajevo" br: 2/10, 18/15 i 7/19), Općinsko vijeće Ilijaš na svojoj 35. sjednici održanoj dana 30.10.2019. donijelo je

RJEŠENJE

o obrazovanju Komisije za izlaganje na javni uvid podataka premjera i katastarskog klasiranja za K.o. Medojevići

I

Ovim Rješenjem obrazuje se Komisija za izlaganje na javni uvid podataka premjera i katastarskog klasiranja za K.o. Medojevići (u daljem tekstu: Komisija).

II

U Komisiju se imenuju:

1. Za predsjednika: Mediha Herić, dipl.pravnik;
2. za zamjenika: Velid Fazlić, dipl.pravnik;
3. za člana iz reda geodetskih stručnjaka: Ismet Kutlovac;
4. za zamjenika člana iz reda geodetskih stručnjaka: Ibro Kamber;
5. za člana iz reda građana sa područja mjesne zajednice: Senad Kovačević;
6. za zamjenika člana iz reda građana sa područja mjesne zajednice: Selver Herić.

III

Za zapisničara u radu Komisije imenuje se Mahir Gljiva.

IV

Komisija će u skladu sa odredbama Zakona o premjeru i katastru nekretnina i Uredbe o izlaganju na javni uvid podataka premjera i katastarskog klasiranja zemljišta (u daljem tekstu: Uredba) izložiti na javni uvid podatke premjera i katastarskog klasiranja za katastarsku općinu Medojevići.

V

Prije početka radova izlaganja, Komisija će, prema odredbama Uredbe, pribaviti sav elaborat i dokumentaciju potrebnu za vođenje postupka izlaganja podataka.

VI

Komisija je dužna, u skladu sa odredbama Uredbe, razmotriti eventualne prigovore na upisane podatke premjera i katastarskog klasiranja kao i postupiti po istim ili donijeti rješenje o odbijanju prigovora.

VII

Po okončanju postupka izlaganja na javni uvid podataka premjera i katastarskog klasiranja Komisija je dužna izraditi katastarski operat za K.o. Medojevići, sačiniti Zapisnik o završetku postupka izlaganja i isti putem nadležne općinske službe dostaviti Federalnoj upravi za geodetske i imovinsko-pravne poslove na pregled i ovjeru.

VIII

Za obezbjeđenje potrebnih uslova za rad Komisije zadužuje se Služba za imovinsko-pravne poslove, geodetske poslove i katastar – Odsjek za katastar.

IX

Troškovi rada Komisije padaju na teret Budžeta Općine Ilijaš o čemu će se donijeti posebna Odluka.

X

Ova Odluka stupa na snagu danom objavljivanja u Službenim novinama Kantona Sarajevo.

Broj: _____/19
Ilijaš, _____

**PREDSJEDAVAJUĆA
OPĆINSKOG VIJEĆA**

Alma Omerović, BA nov.

O B R A Z L O Ž E N J E

Zakon o principama lokalne samouprave u Federaciji Bosne i Hercegovine ("Sl. Novine FBiH" broj 49/06) članom 2. propisao je da lokalna samouprava podrazumijeva pravo i osposobljenost jedinica lokalne samouprave da, u granicama zakona, reguliraju i upravljaju određenim javnim poslovima na osnovu vlastite odgovornosti i u interesu lokalnog stanovništva. Članom 8. istog Zakona propisano je da jedinice lokalne samouprave imaju vlastite nadležnosti ustanovljene ustavom i zakonom i imaju pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona. Među vlastitim nadležnostima jedinice lokalne samouprave navedeni su i poslovi iz oblasti premjera i katastra zemljišta i evidencije o nekretninama.

Članom 69. Zakona o premjeru i katastru nekretnina ("Službeni list SR BiH" broj 22/84, 12/87, 26/90, 36/90, "Službeni list RBiH" broj 4/93 i 13/94) propisano je da "izlaganje podataka vrši Komisija za izlaganje podataka koju obrazuje skupština opštine za jednu ili više katastarskih opština. Komisija se sastoji od predsjednika, njegovog zamjenika, dva člana i njihovih zamjenika". Istim članom određen je i sastav Komisije u pogledu zanimanja i stručne spreme.

Članom 4. Uredbe o izlaganju na javni uvid podataka premjera i katastarskog klasiranja zemljišta ("Službene novine federacije Bosne i hercegovine" br: 92/16) propisano je da izlaganje na javni uvid podataka o nekretninama vrši komisija za izlaganje podataka koju imenuje predstavničko tijelo jedinice lokalne samouprave za jednu ili više katastarskih općina.

Statut Općine Ilijaš – prečišćeni tekst ("Službene novine Kantona Sarajevo" broj 20/09) članom broj 55. propisao je nadležnosti Općinskog vijeća među kojima je pobrojana i nadležnost donošenja odluka, drugih propisa i općih akata kao i njihovog autentičnog tumačenja. Članom 99. Statuta općine Ilijaš propisano je da općini pripadaju prihodi za obavljanje njenih dužnosti i ovlašćenja, dok je članom 104. propisano da Općinsko vijeće donosi, između ostalog, općinske propise – Odluke. Navedena nadležnost Općinskog vijeća propisana je i članom 99. Poslovnika o radu Općinskog vijeća Ilijaš ("Službene novine Kantona Sarajevo" broj 2/10 i 18/15).

Za područje K.o. Medojevići na snazi je evidencija katastra zemljišta koja se temelji na podacima austro-ugarskog katastra i snimanja zemljišta izvršenog u periodu 1880-1884 godina, sa planovima razmjere 1 : 6250. 1985. godine za navedeno područje izvršeno je aerofotogrametrijsko snimanje, izrađeni planovi razmjere 1:1000 i 1:2500, urađen elaborat novog premjera, ali podaci premjera i katastarskog klasiranja zemljišta nisu izloženi na javni uvid. Kako su navedeni poslovi, a u skladu sa gore pobrojanim članovima Zakona, Uredbe, Statuta općine Ilijaš i Poslovnika o radu Općinskog vijeća Ilijaš, u nadležnosti jedinice lokalne samouprave pokrenute su aktivnosti na izlaganju podataka na javni uvid.